

Efnisyfirlit

I. Kafli	Inngangur	bls. 2
II. Kafli	Reglugerð um styrki Tryggingastofnunar ríkisins vegna hjálpartækja	bls. 3
III. Kafli	Samningar um kaup og afhendingu stoðtækja	bls. 11
IV. Kafli	Leiðbeiningar varðandi útfyllingu umsóknareyðublaða	bls. 12
V. Kafli	Viðhalds- og viðgerðarþjónusta	bls. 12
VI. Kafli	Vörulisti spelkna	bls. 13

Útgefandi: Tryggingastofnun ríkisins – hjálpartækjamiðstöð

Allar upplýsingar í vörulista eru á ábyrgð seljenda

Ábyrgðarmaður: Björk Pálsdóttir

Vörulistinn er í netútgáfu á heimasíðu: www.tr.is - htm@tr.is

Allar upplýsingar, málfar og framsetning í vörulista (kafla VI) er alfarið á ábyrgð þess seljanda sem í hlut á.

Öll réttindi áskilin. Heimilt er að afrita vörulistann að hluta eða í heild og birta, enda sé heimildar ávallt getið.

I. Kafli

Inngangur

Í kjölfar útboðs hefur Tryggingastofnun ríkisins (TR) gert samninga við fjögur fyrirtæki um kaup á spelkum.

Fyrirtækin eru þessi:

Hröð skref	Suðurhvammi 23	220 Hafnarfirði	(frá 1 janúar 2009)
Orthos	Austurströnd 10	170 Seltjarnarnes	
Stoð	Trönuhrauni 8	220 Hafnarfirði	
Össur	Suðurlandsbraut 34	108 Reykjavík	

Í heftinu er yfirlit yfir þær spelkur sem TR hefur gert samning um kaup á fyrir þá sem eru slysa- eða sjúkratryggðir samkvæmt almannatryggingalögum. Samningurinn við Orthos, Stoð og Össur er frá 1. júní 2008 en við Hröð skref frá 1. janúar 2009.

Við hvert stoðtæki í vörulista (kafli VI) kemur fram hvaða fyrirtæki er með samning við TR um kaup á viðkomandi tæki. Þátttaka TR í kaupum á stoðtækinu er háð því, að tækið sé fengið hjá tilgreindu samningsbundnu fyrirtæki.

Verðið er heildarverð með virðisaukaskatti og innifelur viðeigandi aðlögun, máttun og leiðbeiningar við notkun stoðtækis eftir því sem við á. Tilgreint verð miðast við 1. júní 2008 og getur breyst samkvæmt ákveðnum reglum.

Í vörulistanum er vörunúmer bæði á mynd og í texta. Ef aðeins eitt nafn og vnr. er tilgreint, þá er sami aðili seljandi og framleiðandi. Spelkur eru flokkaðar (reit Fl.) með bókstöfum eftir því hvort um er að ræða tilbúna vöru (B) eða sérgerða vöru (C). Seinni bókstafurinn gefur til kynna efnisgerð.

Í heftinu er einnig að finna reglugerð nr. 460/2003 um styrki Tryggingastofnunar ríkisins vegna hjálpartækja með síðari breytingum (kafli II) svo og upplýsingar um samninga um kaup á spelkum og skilgreiningar (kafli III).

Einnig hefur Landspítali háskólasjúkrahús gert samninga við áður nefnd fyrirtæki um kaup á sömu vörum.

II. kafli

Reglugerð um styrki Tryggingastofnunar ríkisins vegna hjálpartækja með síðari breytingum

REGLUGERÐ

um styrki Tryggingastofnunar ríkisins vegna hjálpartækja.

I. KAFLI

Gildissvið og skilgreiningar.

1. gr.

Gildissvið.

Reglugerð þessi gildir um styrki Tryggingastofnunar ríkisins til að afla hjálpartækja sem nauðsynleg eru vegna þess að líkamsstarfsemi er hömluð eða vantar líkamshluta, skv. a-lið 1. mgr. 33. gr. laga nr. 117/1993 um almannatryggingar.

Tryggingastofnun ríkisins annast framkvæmd reglugerðar þessarar. Í þeim tilgangi rekur stofnunin sérstaka hjálpartækjamiðstöð.

2. gr.

Skilgreiningar.

Hjálpartæki er tæki sem ætlað er að draga úr fötlun, aðstoða fatlaða við að takast á við umhverfi sitt, auka eða viðhalda færni og sjálfsbjargargetu eða auðvelda umönnun.

II. KAFLI

Styrkir frá Tryggingastofnun ríkisins vegna hjálpartækja.

3. gr.

Réttur til styrkja frá Tryggingastofnun ríkisins.

Tryggingastofnun ríkisins greiðir styrki vegna hjálpartækja sem eru til lengri notkunar en þriggja mánaða til að auðvelda fólki að takast á við athafnir daglegs lífs. Einkum er um að ræða hjálpartæki til sjálfsbjargar og öryggis og í ákveðnum tilvikum til þjálfunar og meðferðar. Hjálpartækið verður jafnframt að teljast nauðsynlegt og hentugt til að bæta möguleika viðkomandi einstaklings til að sjá um daglegar athafnir. Styrkur er ekki greiddur ef hjálpartæki er eingöngu til nota í frístundum eða til afþreyingar (þ. á m. útivist og íþróttir). Þá er ekki veittur styrkur til að kaupa tæki sem fólk notar almennt nema þegar um er að ræða aukabúnað eða séraðlögun. Ennfremur er ekki veittur styrkur til að kaupa (auka)hjálpartæki til að hafa á heimili aðstandenda ef viðkomandi býr annars staðar eða á heimavist skóla.

Sjúkratryggðir eiga rétt á styrkjum vegna hjálpartækja frá Tryggingastofnun ríkisins. Sjúkratryggður telst sá sem verið hefur búsettur hér á landi í sex mánuði nema annað leiði af milliríkjasamningum, sbr. 32. gr. og 9. gr. a. laga nr. 117/1993 um almannatryggingar. Með búsetu er átt við lögheimili í skilningi lögheimilislaga.

Tryggingastofnun ríkisins ákvarðar hvort einstaklingur telst sjúkratryggður. Að öðru leyti gildir, um það hverjir teljist sjúkratryggðir hér á landi, reglugerð nr. 463/1999

um framkvæmd almannatrygginga og skráningu í tryggingaskrá.

Þeir sem búa á sambýli og uppfylla skilyrði 2. mgr. eiga sama rétt og þeir sem búa á einkaheimilum til einstaklingsbundinna hjálpartækja, svo sem göngutækis, sérútbúins rúms, bordáhalda og hjálpartækja til að klæðast. Ef um er að ræða tæki sem geta nýst fleiri einstaklingum á sambýlinu, svo sem standbekk, lyftara og baðtæki, er aðeins veittur styrkur vegna eins slíks tækis á sambýlið. Umsókn til Tryggingastofnunar ríkisins þarf að vera gerð fyrir tilgreindan einstakling á sambýlinu þó aðrir geti samnýtt þau. Ef einstaklingurinn flytur úr sambýlinu tekur hann tækin með sér og er þá unnt að sækja um fyrir annan aðila á sambýlinu sem þarf að nota slík tæki. Styrkir eru ekki veittir vegna veggfastra tækja og búnaðar, svo sem handfanga, handriða og lyftna.

Heimilt er Tryggingastofnun ríkisins að veita styrki vegna tveggja hjálpartækja af sömu gerð til mikið fatlaðra einstaklinga sem vegna skólagöngu (leikskóla og grunnskóla) eða dvalar á þjálfunar- og dagvistunarstofnunum yrðu ella að vera án hjálpartækja sinna daglangt. Skal þá annað hjálpartækið vera til nota á heimili og hitt í skóla eða á stofnun. Hér er að jafnaði um að ræða sérhannaða stóla, standgrindur og göngugrindur.

4. gr.

Hjálpartæki frá Tryggingastofnun ríkisins.

Styrkir frá Tryggingastofnun ríkisins eru eingöngu veittir til kaupa á þeim hjálpartækjum sem tilgreind eru í fylgiskjali með reglugerð þessari enda sé réttur fyrir hendi skv. 3. gr. Í fylgiskjalinu er hjálpartækjunum raðað eftir flokkunarkerfi hjálpartækja EN ISO9999:2002. Getur styrkur Tryggingastofnunar ríkisins ýmist verið greiddur sem ákveðið hlutfall af verði hjálpartækis og/eða ákveðin fjárhæð til kaupa á hjálpartæki. Þegar um samninga Tryggingastofnunar ríkisins í kjölfar útboðs er að ræða, sbr. 41. gr. laga nr. 117/1993 um almannatryggingar, með síðari breytingum, er styrkur frá stofnuninni háður því að hjálpartæki sé fengið hjá tilteknu samningsbundnu fyrirtæki. Tryggingastofnun ríkisins skal veita upplýsingar um aðila sem hún hefur gert samninga við og um hvaða hjálpartæki er að ræða. Þar sem Tryggingastofnun ríkisins hefur ekki gert samninga er leitað tilboða í einstök hjálpartæki og vörur eða gerðar verðkannanir og styrkveiting miðuð við það verð. Styrkur frá stofnuninni er því bundinn við tiltekna tegund og gerð hjálpartækis.

Tryggingastofnun ríkisins gefur út skírteini sem gilda ýmist í 1, 5 eða 10 ár eftir atvikum hverju sinni vegna einnota hjálpartækja, sbr. fylgiskjal með reglugerð þessari.

Styrkir vegna hjálpartækja í bifreiðar eru veittir samkvæmt reglugerð nr. 752/2002 um styrki og uppbætur Tryggingastofnunar ríkisins til hreyfihamlaðra einstaklinga vegna bifreiða.

III. KAFLI

Sérreglur um hjálpartæki.

5. gr.

Hjálpartæki til þeirra sem eru á stofnunum.

Tryggingastofnun ríkisins greiðir ekki styrki vegna hjálpartækja til þeirra sem vistast á sjúkrastofnunum. Hið sama gildir um öldrunarstofnanir. Í þeim tilvikum skal

viðkomandi sjúkrahús eða stofnun sjá vistmönnum fyrir öllum hjálpartækjum, sbr. reglugerð nr. 422/1992 um greiðslur öldrunarstofnana fyrir heilbrigðisþjónustu. Tryggingastofnun ríkisins greiðir þó styrki til þeirra sem dveljast á sjúkrahúsi eða stofnun vegna hjólastóla með skilaskyldu að notkun lokinni. Einstaklingur sem útskrifast af sjúkrahúsi og býr í heimahúsi á rétt á styrk frá Tryggingastofnun ríkisins vegna kaupa á hjálpartækjum sem beinlínis er aflað til að viðkomandi geti útskrifast. Einstaklingum sem fara til vistunar á stofnunum ber að skila skilaskyldum hjálpartækjum til hjálpartækjamiðstöðvar Tryggingastofnunar ríkisins að undanskildum hjólastólum og göngugrindum. Hjólastólum og göngugrindum er skilað þegar einstaklingar þurfa ekki lengur á þeim að halda.

Um hjálpartæki fyrir börn yngri en 16 ára sem búa á heimili fyrir börn samkvæmt lögum um málefni fatlaðra gilda ákvæði þeirra laga.

6. gr.

Hjálpartæki til heyrnar- og sjónskertra.

Heyrnar- og talmeinstöð útvegar hjálpartæki fyrir heyrnarskerta, heyrnarlausa og þá sem eru með heyrnar- og talmeinstöð. Svæðisskrifstofur málefna fatlaðra annast afgreiðslu umsókna vegna hjálpartækja til náms eftir 16 ára aldur og atvinnu eftir 18 ára aldur, skv. 27. gr. laga nr. 59/1992 um málefni fatlaðra og ákvæði grunnskólalaga, sbr. þó 4. mgr. 3. gr.

Þjónustu- og endurhæfingarstöð sjónskertra annast úthlutun sérhæfðra hjálpartækja fyrir sjónskerta, sbr. lög nr. 18/1984 um Þjónustu og endurhæfingarstöð sjónskertra.

7. gr.

Hjálpartæki vegna náms og atvinnu.

Tryggingastofnun ríkisins greiðir ekki styrki vegna kaupa á hjálpartækjum til náms og atvinnu. Svæðisskrifstofur málefna fatlaðra annast afgreiðslu umsókna vegna hjálpartækja til náms eftir 16 ára aldur og atvinnu eftir 18 ára aldur, skv. 27. gr. laga nr. 59/1992 um málefni fatlaðra og ákvæði grunnskólalaga, sbr. þó 4. mgr. 3. gr.

IV. KAFLI

Ýmis ákvæði.

8. gr.

Umsóknir til Tryggingastofnunar ríkisins.

Sækja þarf um styrk frá Tryggingastofnun ríkisins til kaupa á hjálpartæki á sérstökum eyðublöðum stofnunarinnar og skal það gert áður en fest eru kaup á hjálpartæki. Við mat á umsókn skal leitast við að skoða heildarástand einstaklingsins. Læknir og/eða annar hlutaðeigandi heilbrigðisstarfsmaður, t.d. iðjuþjálfari eða sjúkrahjúfari, skal meta þörf fyrir hjálpartæki. Lýsing á færniskerðingu og rökstuðningur fyrir hjálpartæki þarf ávallt að fylgja umsókn. Við fyrstu umsókn verður læknir að veita umsögn. Ef breyting verður á sjúkdómsástandi/fötlun getur þurft nýtt læknisvottorð. Ætíð er krafist nýs læknisvottorðs með umsókn ef ekki er samræmi milli þeirra hjálpartækja sem um er sótt og þeirra læknisfræðilegu upplýsinga sem áður hafa borist með umsókn til Tryggingastofnunar ríkisins. Stofnunin getur áskilið að lagt sé fram vottorð sérfræðings um nauðsyn hjálpartækis. Sá heilbrigðisstarfsmaður sem hlut á að

umsókn skal bera ábyrgð á að hjálpartækið nýtist sem best, t.d. með viðeigandi eftirfylgd og endurhæfingu. Eftir að Tryggingastofnun ríkisins hefur samþykkt styrk vegna hjálpartækis skal hjálpartækið leyst út innan árs frá samþykkt. Eftir þann tíma fellur samþykktin úr gildi.

Tryggingastofnun ríkisins skal veita umsækjendum ráðgjöf og upplýsingar um hjálpartæki, aðstoða við val á hjálpartækjum og við afgreiðsluferlið. Skal stofnunin sjá um endurnýtingu þeirra hjálpartækja sem við á. Jafnframt skal stofnunin annast uppsetningu, breytingar, sérsníði og aðstoð við aðlögun hjálpartækja fyrir notendur eða sjá um að aðrir aðilar annist þessa þjónustu. Tryggingastofnun ríkisins skal annast nauðsynlegt viðhald og viðgerðir á hjálpartækjum í eigu stofnunarinnar eftir að ábyrgð seljenda er útrunnin.

9. gr.

Skilaskylda.

Að notkun lokinni ber að skila hjálpartækjum sem hægt er að endurnýta. Tækin eru í eigu stofnunarinnar og ber að fara vel með þau. Endurnýtanlegum hjálpartækjum öðrum en spelkum og gervilimum ber að skila til hjálpartækjamiðstöðvar Tryggingastofnunar ríkisins. Spelkum og gervilimum ber að skila til þeirra stöðtækjafyrirtækja sem hafa smíðað eða útvegað viðkomandi tæki.

10. gr.

Kæra.

Heimilt er að kæra afgreiðslu umsókna um hjálpartæki til úrskurðarnefndar almannatrygginga ef ágreiningur rís um grundvöll, skilyrði eða upphæð styrksins, sbr. 7. gr. laga nr. 117/1993 um almannatryggingar, með síðari breytingum.

11. gr.

Reglugerð þessi, sem sett er með stoð í 3. mgr. 33. gr., sbr. a-lið 1. mgr. 33. gr., laga nr. 117/1993 um almannatryggingar, með síðari breytingum, öðlast þegar gildi. Jafnframt falla úr gildi óbirtar reglur Tryggingastofnunar ríkisins um styrki til kaupa á hjálpartækjum og um styrki til kaupa á næringarefnum og sérfæði frá apríl 2002.

Heilbrigðis- og tryggingamálaráðuneytinu, 16. júní 2003.

Jón Kristjánsson.

Davíð Á. Gunnarsson.

Útdráttur úr fylgiskjali með reglugerð nr. 460/2003

Skammstafanir og skýringar sem koma fram:

ATL: Almennatryggingalög (lög nr. 100/2007 um almannatryggingar, með síðari breytingum)
TR: Tryggingastofnun ríkisins
50/70/100%: Þátttaka TR í greiðslu á hjálpartæki er 50%, 70% eða 100%

Skilgreiningar:

Lífeyrisþegi: Sá sem hefur í gildi örorkuskírteini frá TR eða er 67 ára eða eldri.

Börn/unglingar: Börn og unglíngar yngri en 18 ára.
Hjálpartækjaskírteini: Skírteini útgefið af TR vegna einnota hjálpartækja sem gílda
ýmíst í 1 ár, 5 ár eða 10 ár.

0412 Kviðslítsbelti

TR hefur gert samninga um kaup á kviðslítsbeltum. Kviðslítsbelti (nýrnabelti) eru greidd ef skurðaðgerð kemur ekki til greina, síendurteknar aðgerðir bera ekki árangur eða ef um alvarlega nýrnasjúkdóma er að ræða. Kviðslítsbelti eru greidd 70% nema vegna afleiðinga slysa sem eru bótaskyld hjá TR en þá er þessi búnaður greiddur 100%.

04 12 09 Kviðslítsbelti 70/100%

Stoðtæki (spelkur, gervílimir og bæklunarskór) og gervíhlutar aðrir en gervílimir

Almennar reglur um spelkur

Við notkun í þrjá til tólf mánuði eru spelkur greiddar 70%. Spelkur fyrir krabbameinssjúklinga, fólk með lamanir (td. hemiparesis, poliomyelitis) og hrörnunarsjúkdóma í tauga- og vöðvakerfi (t.d. MS, MND, Guillian Barre sjúkdómur, Parkinsonsjúkdómur) og liðagigt (RA) eru greiddar að fullu svo framarlega sem þær tengjast sjúkdómnum.

Tognanir: Tognanir eru flokkaðar eftir alvarleika. Almenna reglan er sú að spelkum er synjað vegna tognunar nema hún sé alvarleg.

stig 1: los, tognunareinkenni, þroti, blæðingar: greiðsluþátttaka TR er engin.

stig 2: mjúkvefjaslit, mjög alvarleg tognun: greitt 70%.

Slitbreytingar í liðum: Slitbreytingar í liðum eru flokkaðar í þrennt eftir alvarleika.

stig 1: grunur um slitbreytingar: greiðsluþátttaka TR er engin.

stig 2: staðfestar slitbreytingar sem valda langvarandi færniskerðingu: greitt 70%.

stig 3: mjög miklar slitbreytingar, aflaganir á liðum, slitgigt á mjög háu stigi sem skerðir færni mjög mikið: 100%.

Mjúkvefjaslit: (t.d. krossbandaslit), jafnvel eftir aðgerðir: greitt 70%.

Greiðslur vegna viðgerða

[Fyrsta og önnur viðgerð á spelkum á ári eru greiddar að fullu, en síðari viðgerðir 70%.]¹⁾ Fyrsta og önnur viðgerð á gervílimum á ári eru greiddar að fullu, en síðari viðgerðir 70%. Þátttaka í kostnaði við viðgerðir á tilbúnum bæklunarskóm og sérsmíðuðum skóm á eingöngu við ef slit á skóm er ótvírætt afleiðing sjúkdómsástands (t.d. gangandi einstaklingur með ataxíu vegna heilalægrar lömunar (CP)). Að hámarki er greitt fyrir fjórar viðgerðir á tilbúnum bæklunarskóm eða sérsmíðuðum skóm á ári fyrir hvern einstakling.

Breytingar/viðgerðir innan þriggja mánaða frá afhendingu tækis teljast að öllu jöfnu vera innifaldar í aðlögun frá seljanda og er því ekki greitt sérstaklega fyrir þær.

1) Rgl. nr. 62/2006, 1. gr.

0603 Hryggspelkur

Mjúkir hálskragar eru ekki greiddir af TR. Við notkun í þrjá til tólf mánuði eru spelkur greiddar 70%. Mjúk bakbelti (hryggspelkur) sem notuð eru við minni háttar bakkvillum eru greidd 70%. Hryggspelkur fyrir krabbameinssjúklinga, fólk með lamanir og hrörnunarsjúkdóma í tauga- og vöðvakerfi (t.d. MS, MND, Guillian Barre sjúkdómur, Parkinsonsjúkdómur) og liðagigt (RA) eru greiddar að fullu svo framarlega sem þær tengjast sjúkdómnum. Hryggspelkur vegna afleiðinga slysa sem eru bótaskyld hjá TR eru greiddar að fullu.

[Fyrsta og önnur viðgerð á spelkum á ári eru greiddar 100%, en síðari viðgerðir 70%.]²⁾

Hryggspelkur eru greiddar að fullu við eftirfarandi tilefni: hryggskekkja yfir 20 gr., eftir hryggbrott, eftir festingu (spondylodesis) sem er ótryggilega gróin, í tengslum við brjós-klosaðgerð, stífir hálskragar eftir hálsaðgerð eða samsvarandi. Að öðru leyti eru hryggspelkur greiddar 70%. [...]¹⁾

Spondylolysis (ekki komið skrið): greitt 70% ef alvarleg einkenni, ella engin greiðsluþátttaka.

Spondylolisthesis (komið skrið): greitt 70%, (jafnvel þótt beðið sé eftir aðgerð/spengingu), nema þörf sé á stífu bakbelti, þá greitt 100%.

Spinal stenosa: greitt 100% ef aðgerð, annars 70%.

Endurteknar spengingar: greitt 100%.

Scheuermann sjúkdómur: greitt 100% ef sótt er um stíft belti (þriggja punkta).

Samfallsbrott í baki (compressions fraktura) og álagsbrott (stressfraktura): greitt 100% ef brott er í akút fasa eða endurtekin samföll, greitt 70% ef gamalt/gróið brott eða eftir aðgerð vegna gamals brots.

Kviðslitsbelti/nýrnabelti: Kviðslits- og nýrnabeltum er almennt synjað nema ef ástand umsækjanda er þess eðlis að skurðaáðgerð komi ekki til greina og um sé að að ræða krónískt ástand eða síendurteknar aðgerðir sem ekki bera árangur (sama kviðslitið skorið oftast en tvisvar). Einnig má samþykkja belti vegna alvarlegra nýrnasjúkdóma, t.d. vegna eins nýra sem þarf að vernda. Í þessum tilfellum eru beltin greidd 70%.

Mjóbaksværkir, lumbago, slæm/ur í baki o.þ.h.: Engin greiðsluþátttaka í bakbelti ef sjúkdómsgreining er óljós (t.d. mjóbaksværkir, lumbago, slæm/ur í baki o.þ.h.).

06 03 03 Mjaðmarspelkur (SIO) 70/100%

06 03 06 Mjóhryggjarspelkur (LSO) 70/100%

06 03 09 Brjóst-kassa- og bolspelkur (TLSO) 70/100%

06 03 12 Hálsspelkur (CO) 100%

06 03 15 Háls- og brjóst-kassapelkur (CTO) 100%

06 03 18 Háls- og bolspelkur (CTLSO) 100%

06 03 90 Viðgerðir á hryggspelkum 70/100%

1) Rgl. nr. 944/2004, 4. gr.

2) Rgl. nr. 62/2006, 1. gr.

0606 Spelkur fyrir efri útlími, líkamsbornar

Við notkun í þrjá til tólf mánuði eru spelkur greiddar 70%. Spelkur fyrir krabbameinssjúklinga, fólk með lamanir (t.d. hemiparesis, poliomyelitis) og

hrörnunarsjúkdóma í tauga- og vöðvakerfi (t.d. MS, MND, Guillian Barre sjúkdómur, Parkinsonsjúkdómur) og við aflögun liða vegna liðagigtar (RA) eru greiddar að fullu svo framarlega sem þær tengjast sjúkdómnum. Vegna afleiðinga slysa sem eru bótaskyld hjá TR eru þær einnig greiddar að fullu.

[Fyrsta og önnur viðgerð á spelkum á ári eru greiddar 100%, en síðari viðgerðir 70%.]¹⁾

Engin greiðsluþátttaka er fyrir spelkur við: Dæmi: tendovaginitis, tenosynovitis, sinaskeiðabólgu, tennisolnboga, tendinita, bursitis, tognanir (stig 1), carpal tunnel, De Quervain, vefjagigt. Ekki er greitt fyrir fetil.

Greitt er 70% fyrir spelkur við: Dæmi: slitbreytingar í liðum (stig 2), alvarlegar tognanir (stig 2), Dupytren contracturur, rupturur, slys sem ekki eru bótaskyld, skammtímanotkun á spelkum (3-12 mán.), liðagigt (RA) á byrjunarstigi.

Greitt er 100% fyrir spelkur við: Dæmi: slitbreytingar í liðum (stig 3), liðagigt (RA) með aflögun liða, bótaskyld slys.

06 06 03 Fingurspelkur 70/100%
06 06 06 Handarspelkur 70/100%
06 06 09 Úlnliðsspelkur 70/100%
06 06 12 Úlnliðs- og handarspelkur 70/100%
06 06 15 Olnbogaspelkur 70/100%
06 06 18 Úlnliðs- og olnbogaspelkur 70/100%
06 06 21 Axlarspelkur 70/100%
06 06 24 Axlar- og olnbogaspelkur 70/100%
06 06 27 Axlar-, olnboga- og úlnliðsspelkur 70/100%
06 06 30 Axlar-, olnboga-, úlnliðs- og handarspelkur 70/100%
06 06 90 Viðgerð á spelkum fyrir efri útlimi 70/100%

1) Rgl. nr. 62/2006, 1. gr.

0612 Spelkur fyrir neðri útlimi

[Við notkun í þrjá til tólf mánuði eru spelkur greiddar 70%. Spelkur fyrir krabbameinssjúklinga, fólk með lamanir (t.d. hemiparesis, poliomyelitis) og hrörnunarsjúkdóma í tauga- og vöðvakerfi (t.d. MS, MND, Guillian Barre sjúkdómur, Parkinsonsjúkdómur) og við aflögun liða vegna liðagigtar (RA) eru greiddar að fullu svo framarlega sem þær tengjast sjúkdómnum. Vegna afleiðinga slysa sem eru bótaskyld hjá TR eru þær einnig greiddar að fullu.

Fyrsta og önnur viðgerð á spelkum á ári eru greiddar að fullu, en síðari viðgerðir 70%.

Virkur einstaklingur sem notar fótleggjarspelkur (061212 háar fótspelkur) á rétt á einni slíkri auka spelku til skiptanna.

TR er heimilt að greiða fyrir mest tvö pör af framleistaspelkum (innleggjum) á ári. Helstu tilefni fyrir greiðsluþátttöku TR á framleistaspelkum eru: eftirmeðferð vegna klumbufótar, slæmt hælbrott (t.d. útflattur Böhlervinkill), alvarlega aflagaðir fætur, afleiðingar vegna liðagigtar (RA) og afleiðingar sykursýki. Einnig vegna barna með lina ökkla (ligamentum laxorum) sem mælast með 10° eða meiri skekkju í ökklum eða í allt að tvö ár í framhaldi af meðferð með bæklunarskóm.

Greiðsluþátttaka TR til kaupa á framleistaspelkum er að hámarki fyrir parið kr. 7.000 fyrir tilbúin innlegg og kr. 13.500 fyrir sérsníðuð innlegg, ef samþykkt er eitt innlegg í annan skóinn þá er styrkupp hæð annars vegar kr. 3.500 fyrir tilbúið innlegg og kr. 6.750 fyrir sérsníðað innlegg.

Engin greiðsluþátttaka er fyrir spelkur þegar um er að ræða: Chondromalasia patellae, Osgood-Schlatter, Jumpers knee, bursitis, hallux valgus, tognanir (stig 1), calcaneal epiphysitis (beindrep/bólgur í vaxtarlínunum) eða annað sambærilegt sjúkdómsástand.

Greitt er 70% fyrir spelkur þegar um er að ræða: Sublux. patellae, slit á liðböndum, alvarlegar tognanir (stig 2), dropfótarspelkur vegna annars en heilablæðingar sé ekki um varanlegt ástand að ræða, þó meira en 3 mán. (t.d. vegna brjóskloss), skammtímanotkun spelkna (þó 3-12 mán.), hnéspelkur vegna arthrosu í mjöðm (vörn gegn sublaxation), sundspelkur (börn geta þó fengið sundspelkur greiddar að fullu í hæfingarskyni og þegar það er ótvíræður kostur að þau æfi sund vegna fötlunar sinnar) eða annað sambærilegt sjúkdómsástand.

Greitt er 100% fyrir spelkur þegar um er að ræða: slitbreytingar í liðum (stig 3), dropfótarspelkur vegna heilablæðingar og vegna varanlegs skaða, afleiðingar bótaskylds slyss, osteochondritis dissicans eða annað sambærilegt sjúkdómsástand. Börn geta fengið sundspelkur greiddar að fullu í hæfingarskyni og þegar það er ótvíræður kostur að þau æfi sund vegna fötlunar sinnar. Við krónískar aflaganir sem ekki lagast við aðgerðir (t.d. við endurteknar aðgerðir á hallux valgus).

Raðmeðferðir:

1. Hnéspelkur fyrir krossbandaslit: Samþykkja má 2 hnéspelkur með stuttu millibili, eina fyrir aðgerð (pre-op.), og eina eftir aðgerð (post-op.) til langtíma nota (ekki er þó alltaf þörf fyrir spelku eftir aðgerð (post-op. spelku)).
2. Klumbufótarspelkur: Heimilt er að samþykkja 2-3 spelkur með stuttu millibili fyrir börn (hraður vöxtur) þar sem oftast er um ákveðið meðferðarferli að ræða.
3. Spelkur vegna mjaðmaluxationar hjá kornabörnum eru greiddar að fullu: Samþykkja má þessar spelkur ört, a.m.k. 2-3 spelkur, enda oft um ákveðið ferli að ræða, þ.e. fyrst öflugri spelkur og síðar léttari til að styðja við.
4. Gípsspelkur (1-3) sem eru notaðar sem undanfari varanlegra spelkna vegna sérstakrar meðferðar.

(Skýring: Skammstafanir hér að neðan sem eru innan sviga við númerin standa fyrir enska skammstöfun, t.d. FO fyrir foot orthoses.)

06 12 03 Framleistaspelkur (FO) (innlegg) 90%, hámark kr. sbr. að ofan.

06 12 06 Ökklaspelkur (AFO) 70/100%

06 12 09 Hnéspelkur (KO) 70/100%

06 12 12 Fótleggjarspelkur (hné-, ökkla- og framleistaspelkur) (KAFO)70/100%

06 12 15 Mjaðmarspelkur (HIO) 70/100%

06 12 18 Fótleggjarspelkur með mjaðmarstuðningi

(hné-, ökkla-, framleista- og mjaðmarspelkur) (HIKAFO) 70/100%

06 12 90 Viðgerðir á fótspelkum 70/100%¹⁾

1) Rgl. nr. 62/2006, 1. gr.

III. Kafli

Samningar um kaup og afhendingu stoðtækja

Kaup

Kaup á stoðtækjum, (spelkum) verða aðeins gerð, að fyrir liggi formlegt samþykki TR á umsókn um stoðtæki. Þátttaka TR í kaupum á ákveðnu stoðtæki er háð því, að tækið sé fengið hjá tilgreindu samningsbundnu fyrirtæki.

Fyrirtækin eru þessi: **Orthos**
Stoð
Össur
Hröð skref (frá 1. janúar 2009)

Afhending

Viðkomandi fyrirtæki ber ábyrgð á afhendingu umsaminna stoðtækja til notenda. Fyrirtækið skal afhenda notendum, sem búa eða dveljast í nágrenni starfsstöðvar, umsamin stoðtæki á starfsstöð sinni. Þeim sem búa eða dveljast í öðrum landshluta en starfsstöð er staðsett, skulu afhent stoðtækin í tengslum við umsamdar reglubundnar ferðir fyrirtækisins í viðkomandi landshluta eða skv. samkomulagi við hvern og einn. Að öðrum kosti skal koma stoðtækjum á pósthönd.

Í afhendingu er innifalin aðlögun, mátun og skriflegar íslenskar leiðbeiningar um notkun stoðtækjanna eins og við á hverju sinni. Verktaki skal ennfremur sinna öllum sanngjörnum óskum notanda um frekari leiðbeiningar um notkun stoðtækis án sérstaks endurgjalds. Breytingar og/eða aðlögun stoðtækis innan þriggja mánaða frá afhendingu stoðtækisins er innifalin í verði þess. Öll framangreind þjónusta er innifalin í verði tækjanna.

Afhendingartími, þ.e. sá tími sem tekur að útvega eða smíða og aðlaga stoðtæki, skal almennt vera ein til fimm vikur frá móttöku formlegs samþykkis TR eða móttöku vöru-/verkpöntunar. Í sérstökum tilvikum getur TR samþykkt lengri afhendingartíma að fenginni rökstuddri greinargerð frá fyrirtæki.

Reikningar

Fyrirtækin senda TR reikninga einu sinni í mánuði. Notandi eða aðstandandi hans þarf að staðfesta móttöku stoðtækis með undirskrift sinni. Notandi greiðir fyrirtækinu sinn hluta í verðinu þar sem það á við.

Ábyrgð

Fyrirtækin ábyrgjast að geta ætíð útvegað stoðtæki, varahluti og annað, sem tryggir fullnægjandi þjónustu. Þau bera tveggja ára ábyrgð á framleiðslugalla í stoðtæki og á tjóni, sem hlýst af ágalla stoðtækis.

IV. Kafli

Leiðbeiningar varðandi útfyllingu umsóknareyðublaða

Mikilvægt er að fram komi, allar nauðsynlegar upplýsingar svo að afgreiðsla umsókna gangi sem best. Mikilvægt er að skrá símanúmer umsækjanda og tengils, t.d. iðju- og sjúkrapjálfa, til að auðvelda upplýsingaöflun. Umsókn skal undirrituð af umsækjanda eða fyrir hans hönd. Seljendur/ þjónustuaðilar geta ekki sótt um stoðtæki fyrir hönd notenda.

Nánari upplýsingar varðandi umsóknir og tæki veita starfsmenn hjálpartækjamiðstöðvar í síma 560-4600

Eyðublaðið UMSÓKN UM STYRK TIL KAUPA HJÁLPARTÆKIS er að finna á heimasíðu Tryggingastofnunar, www.tr.is. Einnig má nálgast eyðublaðið hjá hjálpartækjamiðstöð TR, Smiðjuvegi 28 Kópavogi eða þjónustumiðstöð TR á Laugavegi 114, Reykjavík og umboðum TR um land allt.

Ef eyðublaðið er ekki fyllt út í tölvu vinsamlegast notið prentstafi eða ritvél.

Eyðublaðið er ekki ætlað til umsókna um hjálpartæki, sem Heyrnar- og talmeinafstöð Íslands eða Sjónstöð Íslands annast. Þeim umsækjendum er bent á Sjónstöð Íslands eða Heyrnar- og talmeinafstöð Íslands.

V. Kafli

Viðhalds- og viðgerðarþjónusta

Tryggingastofnun hefur gert samning um viðgerðarþjónustu á spelkum við fjögur fyrirtæki, þ.e. Hröð skref, Orthos, Stoð og Össur. Gildir einu hvort sama fyrirtækið og smíðaði stoðtækið í upphafi gerir við það eða annað fyrirtæki svo framarlega sem tveggja ára ábyrgð framleiðanda sé fallin úr gildi. Notendur geta valið til hvers ofangreindra fyrirtækja þeir leita með viðgerðir og viðhald stoðtækis. Fyrstu og aðra viðgerð á spelkum á ári greiðir TR að fullu, en síðari viðgerðir 70%. Tilgreint verð miðast við 1. júní 2008 og getur breyst samkvæmt ákveðnum reglum.

Fyrirtæki	Tímavinna m/vsk	Álagning á varahluti
Hröð skref	kr. 9.500	30%
Orthos	kr. 9.000	30%
Stoð	kr. 10.800 kr. 9.000	30% sérpant. 15% lagerv.
Össur	kr. 9.900	30%